



**Tractatus Juridicus Ad Librum III. Decretalium Gregorii IX.
Clericorum in communi, nec non Prælatorum, ac
Capitulorum in specie obligationes, & jura complectens**

Scharz, Oddo

Salisburgi, 1738

§. II. Dubia quædam circa Capituli potestatem, sede vacante, resolvuntur.

[urn:nbn:de:hbz:466:1-63800](https://nbn-resolving.de/urn:nbn:de:hbz:466:1-63800)

num. 77. quod illud in Ecclesiis Cathedralibus, & Metropoliticis duntaxat locum habeat, ex declaratione Cardinalium, quam refert idem Fagnanus loc. cit. nec extendatur ad Capitula Titularum Cardinalium, & aliarum Col-

legiarum Ecclesiarum, sed in his servanda juris communis constitutio, qua conceditur Capitulis sede vacante, jurisdictionem Prælati ad se devolutam per se etiam exercere. Panormit. ad cap. 13. de Offic. jud. ordin. num. 2.

§. II.

Dubia quædam circa Capituli potestatem, sede vacante, resolvuntur.

S U M M A R I A.

19. Beneficiorum collatio, quæ jure devoluto ad Episcopum spectat, non transit ad Capitulum. 20. Oppositionibus occurritur. 21. 22. Capitulum beneficia ad collationem Episcopi spectantia nec unire, nec dividere potest. 23. Potest tamen illa beneficia sede vacante conferre, quorum collatio alias ad Episcopum, & Capitulum simul spectat. 24. Similiter illa Episcopo suspenso, que sine Capituli consilio, aut consensu, sede plena conferri nequeunt, non item Episcopo mortuo hanc facultatem Capitulo adjudicamus. 25. Subsistit collatio à Capitulo facta, si consilium, quod regulariter acquirere oportebat, forte propter absentiam haberet non potuit. 26. Capitulum potest elargiri indulgentias, quas Episcopus vivens poterat de jure communi concedere. 27. Potest etiam, sede vacante, Diœcesin visitare. 28. Non obstante cap. ult. de Suppl. neglig. Prælat. in 6. ostenditur 29. Potest Capitulum sede vacante, dare licentiam Prælato transeundi ad Prælaturam alterius Diœcesis. 30. Ecclesia non Cathedralis, sed exempta iisdem iuribus sede vacante gaudet, quibus Capitula Ecclesiarum Cathedralium. 31. In Ecclesiis Collegiatis secularibus, & non exceptis jurisdictione, Prælato mortuo, non transit ad Capitulum, sed Episcopum. 32. Nec si Prælatus hanc jurisdictionem vel prescriptione, vel speciali privilegio privatiè acquisiverit. 33. 34. 35. Quid circa Prælaturas regulares obtineat, relatis aliorum opinionibus, nostra sententia exponitur.

19 **D**ubitatur I. An beneficia, quorum collatio jure devoluto propter negligentiam, aut delictum inferioris collatoris ad Episcopum spectat, Capitulum sede vacante conferre possit? Difficilem hanc quæstionem vocat Felinus ad cap. 14. de M. & O. n. 3. quia pro utraque contradictionis parte stant magni nominis AA. & tam uni,

quæm alteri parti probabilitas intrinseca suffragatur. Ut conformiter nostris principiis doceamus, negativam eligimus, cui calculum suum adjecere præter Felinum loc. cit. Panormitanus in cap. 14. de M. & O. num. 2. (qui tamen sibimet contrarius affirmativa tutelam suscepit in cap. 2. b. t. num. 3.) Zoës. b. t. num. 3. Layman. ad cap. 14. de

*de M. & O. n. 3. Garz. part. 5. cap. 7.
n. 53. Van-Espen J. E. V. part. 1. tit. 9.
num. 3. cum aliis.* Probatur I. ex regula generali ex cap. 2. b. t. defumpta, ubi Pontifex universaliter asserit, quod *nusquam inveniatur cautum in jure, quod Capitulum vacante sede fungatur Episcopi vice in collationibus præbendarum,* à qua regula tantò minus casus præsentis dubii excipiendus est, cùm constet, *collationem, quæ fit jure devoluto, non minus esse liberam, & gratuitam respectu collatarii, ac aliam, quæ Episcopo jure proprio competit, licet enim actus iste devolutionis non favore Episcopi, sed potius ipsius beneficii intuitu fiat, ipsa tamen potestas conferendi, & libera beneficiati electio species quædam donationis, ac liberalitatis, apta computari inter fructus successori Episcopo reservandos, censetur.*

Probatur II. ex cap. 14. *de M. & O.* ubi, licet conventus Monasterii *Messanensis* indignum Prælatum elegerit, adeoque pro hac vice jure eligendi privatum, ac jus illud ad superiore, nimurum Episcopum Ecclesiæ Cathedralis Messanensis devolutum fuerit, quia tamen sedes eo tempore vacaverat, *Gregorius IX.* non Capitulo Ecclesiæ Cathedralis (quod in AA. sententia jus quæsumum habuisset) sed ne propter sedem Episcopatus vacantem, electio Abbatis nimium differetur, Monasterio liberam eligendi facultatem dedit, ita tamen, ut Capitulum Cathedrale hanc novam electionem vel confirmaret, vel infirmaret, quod ei sede vacante aliunde competebat, non vero jure devoluto eligeret, cui Pontifex, alteri concedendo gratiam, utique non derogasset, si severè hoc jus Capitulo competiisset,

cùm non soleat derogare juri tertio quæsito, nisi derogationis expresse mentionem faciat per Regul. 18. de Cancellar. de non tollendo jus quæsumum.

Si dixeris, mentionem hujus derogationis fieri per illa d. cap. verba: *De gratia tamen eligendi, seu postulandi de tis ipsis autoritate nostra liberam facultatem.* Respond. negando, hunc sensum dictorum verborum esse, sed gratiam, de qua hic Pontifex loquitur, in eo constitisse, quod successor Episcopus, cui jure devoluto electio illa competiisset, expectatus non fuerit, non verò, quod Capitulum jure suo (quod secundum nos nullum habuit) privatum fuerit.

Dices I. Potest Capitulum, etiam sede non vacante, propter negligentiam Episcopi beneficia, quorum collatio jure proprio ad Episcopum pertinet, post semestre conferre per cap. 2. & 5. de Concess. præbend. ergo multò magis beneficia jure devolutionis ad Episcopum spectantia conferre poterit. Verū negatur haec paritas, ratio discriminis est, quod Episcopus negligens sibi ipse sponte præjudicet, quam proinde negligentiam Capitulum meritò supplere potest, nec etiam per hoc præjudicatur successor; secùs in beneficio devoluto, quod ex dictis gratiam, & liberalitatem continet, atque ita tanquam fructus successori reservandus est. Accedit, quod de priori casu habeatur expressa decisio in cap. 2. b. t. non etiam de posteriore.

Dices II. Tali modo diu vacabunt beneficia, quia diu subinde vacat sedes Episcopalis, jura autem ejusmodi diu turnas beneficiorum vacations non ferunt; ergo Capitulum hoc casu jure de-

devoluto beneficium conferre poterit.
Resp. Ecclesiæ satis prospectum iri, si Capitulum interim Ecclesiam alteri commendet, aut œconomum Ecclesiæ præficiat. *cap. i. b. t. in fin. Azor. part. 2. lib. 3. cap. 38. quæst. 6.*

21 Dubitatur II. An Capitulum sede vacante beneficia, quæ ad Episcopi collationem spectant, *unire*, aut *dividere*, aut saltem simili unioni ab inferiore facienda authoritatem suam præstare possit? Sunt, qui Capitulo hanc potestatem *uniendi* adjudicent, modo juri Episcopali nil detrahatur, ut videre est apud Zerol. *in prax. Episc. part. 2. V. Capitulum. Rebuff. de Union. benef. n. 36.* Barbos. ad Concil. Trid. *Sess. 7. cap. 6. num. 6.* & alios ibidem relatos. Mihi simpliciter negandum videtur, tum, quod *unio* sit species alienationis, & extinctionis beneficii, quæ Capitulo sede vacante omnino interdicta est, *cap. i. b. t.* tum, quod talis unio non possit non esse Episcopo præjudiciosa, utpote qua sit, ut beneficium, facta semel unione, jam amplius liberè conferre non possit, & consequenter illa clausula: *Dummodo juri Episcopali non præjudicet*, videtur esse frustranea: tum quod vix dabilis sit casus, in quo necessitas urgeat unionis accelerationem, & ita sentiunt Fermosinus *Tract. 1. de Capit. sed. vacant. Q. 26. num. 6. & seq.* Bœhmerus *ad b. t. f. 34.*

22 Num verò beneficia Capitulum sede vacante dividere possit (quæ est altera pars hujus dubii) nescio, an æquè promptè accedendum sit Bœhmero, affirmativam tenenti: nam, et si tali casu conditio Episcopi non videatur fieri deterior, sed potius melior redi, cum, multiplicatis præbendis, etiam colla-

tiones Episcopales augeantur, tamen, quia similis *divisio*, aut *dismembratio* (ut vocat Bœhmerus) est species cujusdam *alienationis*, ut ut non extrahendum, & patrimonium Ecclesiæ, & status Ecclesiæ per eam alterari censetur, nec etiam tam repentina *necessitas*, aut *utilitas* (ex qua causa divisiones beneficiorum fieri permittunt jura *cap. 26. de Præbend.*) vacante sede facilè ingredi posse videtur, probabilius judico, hanc potestatem, utpote unam ex majoribus, & gravioribus, Capitulo, sede vacante, non competere.

Dubitatur III. An beneficia, quo-²³ rum collatio aliás ad Episcopum simul, & Capitulum spectat, sede vacante Capitulum conferre valeat? Resp. affirmativè. Textus est in *cap. un. b. t. in 6.* & quidem, si collatio ad Episcopum simul, & Capitulum pertineat, uao facto inhabili, jus conferendi devolvitur ad alterum, ita, ut si suspendantur, aut excommunicentur omnes de Capitulo (intellige excommunicatione *majore*, minor enim collationi non officit. *cap. ult. de Cleric. excomm.*) potestas conferendi sit *privativè* penes Episcopum, & viceversa. Nota tamen, quod totum Capitulum, collegialiter sumptum, excommunicari nequeat, benè verò interdici; & ideò sententia excommunicationis in singulos, quos culpabiles esse constiterit, proferenda est. *cap. 5. de Sent. excomm. in 6.* Unde, si vel unus non esset excommunicatus singulariter, in illo solo jus Capituli resideret, & Episcopus sine eo beneficia conferre non posset.

Dubitatur IV. An, si collatio ad ²⁴ Episcopum spectet, dependenter tamen à consilio, vel consensu Capituli, eo

D d

mor-

Titulus IX.

mortuo, vel suspenso, possit præbendas vacantes conferre? Hic distinctio adhibenda est inter Episcopum *mортuum*, & *suspensum*, ita, ut priori casu jus collationis in Capitulum non transeat. Ratio est, quod, licet Episcopus *consilium*, aut *consensum* Capituli requirere teneatur, administratio tamen ad solum Episcopum pertineat, isque solus, utut prærequisito consilio, vel *consensu* Capituli, *authoritativè* confert beneficium. In posteriore verò casu, si Episcopus in petenda relaxatione culpabilem moram commiserit, post sex menses jure devolutionis collatio Capitulo competit. *cap. 5. de Concess. præbend.* Secùs, si mora culpabilis in petenda suspensionis relaxatione non intervenerit. *cap. un. §. un. b.t. in 6.* Quodsi Episcopus negligentiam commiserit in collatione beneficii *devoluti*, post sex menses collatio non ad Capitulum, sed ad proximum Episcopi superiorem defertur. *arg. cap. 41. de Elect.* Vivian. *ad b.t.* Et ratio est, quod in iis, quæ pertinent ad Episcopum jure *proprio*, & *suo*, major est communicatio inter ipsum, & Capitulum, quam in obvenientibus aliunde *cap. 15. §. secus autem est. de Testam.*

²⁵ Dubitatur V. Quid juris, si collatio beneficii alicui non quidem simpli-citer, sed cum consilio alterius v. g. Episcopi facienda competit, consilium verò ejus haberri non possit, fortè, quia mortuus, aut longè absens est, an in qua hoc casu collatio sine consilio ejus ab altero validè fieri possit? Resp. affirmativè, supposito, quod ejus praesentia tam citò sperari non posset, tunc enim, ne ex diuturniori vacatione Ecclesia dispendium patiatur, collatio ab

altero licitè, & validè fieri poterit. Ita expressè decisum extat in *cap. un. §. fin. b.t. in 6.* capropter docet Panormitanus ad *cap. 52. de Elect. num. 13.* quan-docunque aliquis ex obligatione legis, vel statuti cum consilio alterius aliquid agere jubetur, illud verò hic & nunc ex accidenti requirere non possit, periculum tamen morae urgeat, validum fore actum etiam sine consilio expeditum, nisi alia fuerit mens mandantis: secùs dicendum foret, si præcipiatur aliquid fieri cum *consensu* alterius; tunc enim collatio v. g. facta sine illius *consensu*, tanquam *conditione sine qua non irrita erit*, & potestas, non existente conditione, cessabit, uti colligitur ex *cit. cap. un. §. fin. b.t. in 6.* ubi Pontifex solum loquitur de collatione facta, omisso consilio, nil verò dicit de *consensu*, qui in eo differt à *consilio* juxta dicenda in *Tit. seq.* quod *consilium* requirere jussus, illud sequi non teneatur; secùs, qui *consensum*.

Dubitatur VI. An potestas conce-¹⁶dendi indulgentias data Episcopis in *cap. 14. de Pœnit.* & *rewiss.* & *cap. ult. eod. in 6.* scilicet unius Anni in Dedi-catione Ecclesiarum, & 40. dierum in Anniversario Dedicationis, sede vacante transeat in Capitulum? Resp. probabilius transire. Licet enim Capitu-lum in iis non succedat, quæ Episco-po ratione dignitatis, & præminen-tiae Episcopalis concessa sunt, ut licen-tia legendi Missam extra Ecclesiam su-per portas in loco decenti *cap. ult. de Privileg.* in 6. & aliis allegatis à Glosfa *ibidem V. indulgemus*, quia verò con-cessio indulgentiarum non est actus, fluens ex potestate ordinis, sed *jurisdic-tionis*, hinc Capitulo hanc facultatem com-

competere ex prædictis fundamentis bene inferimus. Et ita tenent Pavinus de Potest. Cap. sed. vacant. part. 1. Q. 4. Molin. Tom. 5. disp. 11. num. 6. Azor. part. 2. lib. 3. cap. 37. quæst. 9. Hi ipsi tamen AA. tutius esse, ajunt, ut Capitulum committat alicui Episcopo, ut indulgentias concedat nomine Capituli.

27 Dubitatur VII. An jus visitandi Dioecesis competit Capitulo Sede vacante? Resp. affirmativè. Probatur ex cap. ult. de supplend. neglig. Prælat. in 6. ubi constituitur, Archi-Episcopum non posse in Ecclesia Cathedrali, mortuo Episcopo, constituere visitatorem, nisi Capitulum in spiritualibus, & temporalibus negligententer administret; unde intert Panormitanus, in cap. 14. de M. & O. num. 2. Capitulum debere posse visitare, quoniam aliás ab Archi-Episcopo negligentiae non argui, nec aliis visitator constitui poterit. Accedit, quod visitatio sit actus, non solum utilis Ecclesiæ, & Dioecesi, sed ex Officio incumbens cuivis administrationem habenti. cap. 15. de Offic. Ordin. hac tamen facultate ex universali consuetudine Capitulum non solet uti, quia non censetur tanta necessitas, & periculum in mora esse, ut, non exspectato successore, Capitulum totius Dioecesis visitationem instituat. Et ita sentiunt Barbos. de Offic. & potest. Episc. allegat. 73. num. 24. & ad cap. ult. de suppl. neglig. Prælat. in 6. num. 3. & 4. Molin. d. disput. n. 7. Azor. d. loc. quæst. 14.

28 Qui hanc potestatem Capitulo negant, fundant se in eodem à nobis supra cit. cap. ult. de supplend. neglig. Prælat. in 6. ubi in princ. dicitur: Ecclesiæ Cathedrali vacanti visitator ab

alio, quam à Romano Pontifice deputari non potest: ergo Capitulo hæc facultas indulta non est, ut visitatorem constitutat, aut per se munus visitationis obeat. Hunc textum celebris quidam author sic interpretatur, quod nomine visitatoris intelligatur is, qui curam de vacante Ecclesia habeat. Quæ cura olim vicinis Episcopis demandabatur, ut testatur Thomassinus part. 2. lib. 2. cap. 3. num. 2. & part. 3. lib. 2. cap. 51. num. 11. & cap. 53. num. 1. & seqq. qui propterea etiam interventores, intercessores, commendatores &c. dicebantur. Verum subdubito, an hæc interpretatione sit ad mentem Bonifacii VIII. Eo quippe tempore, quo citata Decretalis emanavit, jam erant stabilita Capitulorum jura, iisque omnis cura Ecclesiæ vacantis demandata, ut constat ex Decretali Gregorii IX. in cap. 14. de M. & O. 1228. emanata & ex Bonifaciana in cap. 3. de supplend. neglig. Prælat. Anno 1299. emissa, & testatur idem Thomassinus part. 1. lib. 3. cap. 10. num. 10. Unde conjicio, quod Bonifacius VIII. in d. cap. ult. non loquatur de Visitatore, qui curam Ecclesiæ viduata gerat, ad instar illorum visitatorum, qui primis Ecclesiæ sacerulis dabantur, & de quibus duntaxat loquitur Thomassin. cit. loc. sed, de visitatore, qui, si Capitulum in administrando negligens fuerit, à S. Pontifice, etiam sine causæ cognitione dari potest, qui tamen, si ex capite negligentiae ab Archi-Episcopo detur, nonnisi vocato Capitulo, & cum prævia causæ cognitione dari debet. Et hic sensus textum cit. cap. ult. attenè expendenti ocyus occurret. Vid. Barbos. ad cit. cap. ult. num. 4.

D d 2

Du-

29 Dubitatur VIII. An Capitulum, Sede vacante, possit dare licentiam Abbatii, transeundi ad prelaturam alterius Dioecesis, si scilicet alibi in Prælatum eligatur? Ratio dubitandi videtur esse, quod Capitulum Sede vacante res Ecclesiæ nequeat alienare: ergo multo minus personas, quæ majoris æstimantur, quam res. *cap. 24. C. 12. Q. 1.* Verum hac ratione non obstante, existimo, cum Panorm. ad *cap. 14. de M. & O. quæst. 2.* Capitulo hanc facultatem competere. Quia facultas dandi licentiam transeundi ad alienam Dioecesin, spectat ad jurisdictionem Episcopi ordinariam, in qua, ut dictum est, Capitulum succedit. Ad rationem oppositam negatur, quod hæc sit vera alienatio, ad quam plurimæ solennitates requiruntur, ut *tit. 13.* dicetur, quæ tamen non requiruntur ad translationem personæ, ut colligitur ex *cap. 27. §. quia verò de Eleçt. in 6.* Deinde majus est periculum damnificationis in alienatione rerum, quam translatione personarum; hic enim continuò alias substitui potest Prælatus, rebus autem alienatis non mox succedunt aliæ.

Hactenus de Capitulis Ecclesiarum *Cathedralium*, eorumque potestate Sede vacante. Jam quoque explorandum est, quid juris competit Capitulis Ecclesiarum non *Cathedralium*? Potest autem hæc quæstio moveri tum de Ecclesiis exemptis, tum de Collegiatis, iisque vel Sæcularibus, vel Regularibus. Rem per distinctas Conclusiones lubet exponere.

30 Dico I. Si Ecclesia sit exempta, cuius Prælatus jurisdictionem quasi Episcopalem habeat, Sede vacante Capitulum eandem jurisdictionem obtinet,

quam habent Capitula *Cathedralium*, nisi S. Pontifex sibi quædam specialiter reservaverit. *cap. 11. de M. & O. & DD. ibidem.*

Dico II. In Ecclesia *Collegiata Sæculari*, non exempta, spectato jure communi, jurisdictione Præpositi, aut Decani Sede vacante non transit ad Capitulum, sed ad Episcopum, quia ista jurisdictionis devolutio non debet induci, nisi in casibus jure expressis *cap. 18. de Eleçt. in 6.* Jura autem, quæ jurisdictionem Sede vacante Capitulo adjudicant, loquuntur solum de Ecclesiis *Cathedralibus*, vel quasi *Episcopalibus* exemptis. *cap. 11. & 14. de M. & O.* non vero de inferioribus Collegiatis. Et ratio rationis est, quod in Ecclesiis *Cathedralibus*, & exemptis, si Capitulum Sede vacante non succederet, non esset alius, qui Ecclesiæ in defectum Prælati provideret: quæ ratio cessat in Ecclesiis inferioribus, quarum curam, & providentiam habet Episcopus. *c. 10. C. 16. Q. 7.* Fagnan. ad *cap. 11. de M. & O. num. 40.*

Quod si Præpositus, aut Decanus ³² jurisdictionem in Clericos sibi subiectos obtineat *privativè*, ita, ut eo officium suum ritè præstante, Episcopus in prima instantia se immiscere non possit, tunc videadum est, an hanc jurisdictionem acquisiverit mediante præscriptione, vel consuetudine, num vero privilegio speciali? Priori casu jurisdictione, Sede vacante non transit ad Capitulum, quia præscriptio est *stricti juris*, & consequenter ultra præscribentem non extenditur, nisi forte ipsum Capitulum una cum Prælato præscriperit, aut legitima consuetudine acquisierit. Posteriore casu Capitulum ite-

iterum non succedit, quia, quæ Episcopo speciali jure concessæ sunt, ea ne quidem ad Capitulum Cathedrale, transiunt ut supra num. 6. dictum est. Dixi de jure communi hanc Conclusionem procedere, de consuetudine enim iā istis quoque inferioribus Ecclesiis, prælatura vacante, Capitulum succedere, testatur Felinus ad cap. 11. de M. & O. circa finem.

33 Quid circa Prælaturas Regulares censendum sit, tam promptè non definiveris. Triplex enim est Sententia. Prima Felini, qui negat, Capitulum, seu Conventum, aut Priorem Claustralem, vel Decanum in Jurisdictione succedere, sed eam ad Episcopum, cui Monasterium subjectum est, devolvi, quia ille jurisdictionem in omnia Monasteria suæ Dioecesis non exempta habet. Et licet in iis, quæ ad regularem disciplinam pertinent, jurisdictionem exercere non possit, Prælato Officium suum ritè implente, posse tamen, eo mortuo, administratorem etiam in iis, quæ regularē disciplinam concernunt, constituere. Præterquam, quod Religiosi votum obedientiæ Prælato, non vero Priori, vel Capitulo fecerint, adeoque jurisdictione, per quam Prælatus in virtute obedientiæ, vel sub excommunicatione Religiosis suis præcipere potest, ad ista non extendatur. Et ita cum Felino, & aliis à se relatis discurrit Layman. ad cap. 11. de M. & O. num. 5.

Tamburinus de *Jur. Abbat.* tom. 2. 34
disp. 1. quæfit. 4. n. 5. ē diametro oppositum docet, videlicet Prælato vita functo, vel à munere suo amoto, vel etiam absente, totam jurisdictionem, & authoritatem Priori Claustralii competere, nisi aliud speciali Religionis lege, aut superioris præcepto constitutum sit, & testatur de consuetudine variarum Congregationum, quam præcipue ibi procedere putat, ubi Prior non ab Abbatे tantum, sed simul cum Conventu, vel à Capitulo generali constituitur.

Panormitanus ad *cap. fin. de Stat.* 35
Monach. num. 8. & 9. in plerisque quidem cum Tamburino convenit, hanc tamen ponit limitationem, ut, si Prælatura vacet propter depositionem Prælati ex delicto, jurisdictione eo casu nec ad Priorem, nec ad Capitulum transeat, quia præsumptio est contra Capitulares, quod delicti sui Prælati se participes fecerint, ideoque à superiore datum esse administratorem existimat. Verum cùm Clement. *Ne in agro s. si quis autem V. si quis verò de Stat. Monach.* expresse dicat, quod, Prælato ob delictum suspenso, nihilominus jurisdictione ad Priorem claustralem devolvatur, idèo limitatione à Panormitano factæ non aliter deferendum esse arbitror, nisi plures de Conventu actualiter suspensi essent, ut notat P. Engel b.t. n. 16. Cæterum hæc Sententia cum dicta Claustra Tamburini, & authoritate Panormitani amplectenda videtur.

